



Broj: 01/1-50-1-1-106/10
Sarajevo, 8.7.2010.

Z A P I S N I K

106. sjednice Ustavnopravne komisije

Sjednica je održana 8.7.2010., s početkom u 10 sati.

Sjednici su prisustvovali članovi Komisije: Šefik Džaferović, Velimir Jukić, Lazar Prodanović, Halid Genjac i Adem Huskić.

Članovi Komisije: Drago Kalabić, Momčilo Novaković, Ekrem Ajanović i Martin Raguž nisu prisustvovali sjednici.

Sjednici su prisustvovali i predstavnici: Ministarstva pravde BiH Fatima Bašić, Agencije za sigurnost hrane BiH Amela Isić, OSCE-a Nina Šandrk, Džihana Hajdarpašić i Šejla Bektašević, USAID-a Imelin Imširović, Udruženja „Vaša prava BiH“ Slobodan Popović, iz Zakonodavno-pravnog sektora PSBiH Alma Salkić-Mijić, iz Istraživačkog sektora PSBiH Sena Bajraktarević i Nihada Jeleč, te iz Sektora za odnose s javnošću PSBiH Zoran Brkić.

Sjednici su prisustvovali i sekretar Komisije Igor Bajić i savjetnik Nedžad Salman.

Nakon rasprave Komisija je jednoglasno usvojila sljedeći

D N E V N I R E D

1. Usvajanje Zapisnika 105. sjednice Ustavnopravne komisije;
2. Prijedlog zakona o izmjeni Okvirnog zakona o visokom obrazovanju u Bosni i Hercegovini, predlagači: poslanici Zlatko Lagumdžija, Denis Bećirović, Mirjana Malić i Selim Bešliagić, broj: 01,02-7-43/10, od 15.6.2010. (**usklađenost sa Ustavom Bosne i Hercegovine i pravnim sistemom Bosne i Hercegovine, postupak u skladu s čl. 103. i 104. Poslovnika Doma**);
3. Prijedlog zakona o parlamentarnom nadzoru u oblasti odbrane, sigurnosti i obavještajno-sigurnosnih poslova, predlagač: Zajednička komisija za nadzor nad radom Obavještajno-sigurnosne agencije Bosne i Hercegovine, broj: 01,022-02-8-45/10, od 25.6.2010. (**usklađenost sa Ustavom Bosne i Hercegovine i pravnim sistemom Bosne i Hercegovine, postupak u skladu s članom 103. Poslovnika Doma**);
4. Prijedlog zakona o izmjenama Zakona o upravnim sporovima Bosne i Hercegovine, predlagač: Vijeće ministara Bosne i Hercegovine, broj: 01,02-02-5-39/10, od 4.6.2010. (**postupak u nadležnoj komisiji, u skladu s članom 110. Poslovnika Doma**);
5. Prijedlog okvirnog zakona o besplatnoj pravnoj pomoći, predlagač: Vijeće ministara Bosne i Hercegovine, broj: 01,02-02-3-42/10, od 8.6.2010. (**postupak u nadležnoj komisiji – u skladu s članom 110. Poslovnika Doma**);
6. Ostala pitanja:
 - o Zahtjev za autentično tumačenje člana 60. stav (2) Zakona o hrani („Službeni glasnik BiH“, broj 24/04), podnosilac: Agencija za sigurnost hrane Bosne i Hercegovine (**razmatranje zahtjeva, postupak za autentično tumačenje - u skladu s članom 137. stav (1) Poslovnika Doma**),
 - o Zahtjev za autentično tumačenje člana 114. stav (3) Zakona o policijskim službenicima („Službeni glasnik BiH“, br. 27/04, 63/04, 5/06, 33/06, 58/06, 15/06, 15/08, 63/08 i 35/08), podnosilac: Granična

- policija Bosne i Hercegovine (**razmatranje zahtjeva, postupak za autentično tumačenje - u skladu s članom 137. stav (1) Poslovnika Doma**),
- Zahtjev za autentično tumačenje odredbi Zakona o lijekovima i medicinskim sredstvima („Službeni glasnik BiH“, broj 58/06), podnosilac: Federalno ministarstvo zdravstva (**razmatranje zahtjeva, postupak za autentično tumačenje - u skladu s članom 137. stav (1) Poslovnika Doma**),
 - Zahtjev za autentično tumačenje člana 22. st. (2) i (3), člana 44. stav (2) tač. b) i c) i st. (3) i (4) Zakona o sportu u Bosni i Hercegovini („Službeni glasnik BiH“, broj 27/08), podnosilac: Karate savez Bosne i Hercegovine (**razmatranje zahtjeva, postupak za autentično tumačenje - u skladu s članom 137. stav (2) Poslovnika Doma**),
 - Dopis Agencije za zastupanje i zaštitu autorskih prava „Sine Qua Non“, Sarajevo, broj: 22-50-3-798/10, od 22.6.2010., povodom zahtjeva kompozitora Ersta Kunza iz Švicarske (**razmatranje zahtjeva, postupak u skladu s članom 41. stav (2) Poslovnika Doma**),
 - Izvještaj o studijskoj posjeti delegacije PSBiH Bundestagu, Parlamentu Saksonije i drugim vladinim institucijama Savezne Republike Njemačke, od 7. do 11.6.2010. (**primanje k znanju izvještaja - postupak u skladu s članom 41. stav (2) Poslovnika Doma**).

Ad.1. Usvajanje Zapisnika 105. sjednice Ustavnopravne komisije

Komisija je jednoglasno usvojila Zapisnik 105. sjednice.

Ad.2. Prijedlog zakona o izmjeni Okvirnog zakona o visokom obrazovanju u Bosni i Hercegovini, predlagači: poslanici Zlatko Lagumdžija, Denis Bećirović, Mirjana Malić i Selim Bešlić, broj: 01,02-7-43/10, od 15.6.2010. (usklađenost sa Ustavom Bosne i Hercegovine i pravnim sistemom Bosne i Hercegovine – postupak u skladu s čl. 103. i 104. Poslovnika Doma)

Komisija je nakon rasprave jednoglasno utvrdila da:

- postoji valjan ustavnopravni osnov za donošenje ovog zakona;
- je Prijedlog zakona usklađen sa Ustavom BiH i pravnim sistemom BiH.

Ustavnopravna komisija je, s četiri glasa „za“, jednim glasom „protiv“ i bez glasova „suzdržan“, podržala principe Prijedloga zakona o izmjeni Okvirnog zakona o visokom obrazovanju u Bosni i Hercegovini.

Ad.3. Prijedlog zakona o parlamentarnom nadzoru u oblasti odbrane, sigurnosti i obavještajno-sigurnosnih poslova, predlagač: Zajednička komisija za nadzor nad radom Obavještajno-sigurnosne agencije Bosne i Hercegovine, broj: 01,022-02-8-45/10, od 25.6.2010. (usklađenost sa Ustavom Bosne i Hercegovine i pravnim sistemom Bosne i Hercegovine, postupak u skladu s članom 103. Poslovnika Doma)

Komisija je nakon rasprave jednoglasno utvrdila da:

- postoji valjan ustavnopravni osnov za donošenje ovog zakona;
- je Prijedlog zakona usklađen sa Ustavom BiH i pravnim sistemom BiH.

Ad.4. Prijedlog zakona o izmjenama Zakona o upravnim sporovima Bosne i Hercegovine, predlagač: Vijeće ministara Bosne i Hercegovine, broj: 01,02-02-5-39/10, od 4.6.2010. (postupak u nadležnoj komisiji – u skladu s članom 110. Poslovnika Doma)

Nakon rasprave Ustavnopravna komisija jednoglasno je:

- usvojila tekst Prijedloga zakona o izmjenama Zakona o upravnim sporovima i predlaže Predstavničkom domu njegovo usvajanje;
- u skladu s članom 113. Poslovnika Predstavničkog doma Parlamentarne skupštine BiH, za izvjestioca u plenarnoj fazi imenovala predsjedavajućeg Komisije.

Ad.5. Prijedlog okvirnog zakona o besplatnoj pravnoj pomoći, predlagač: Vijeće ministara Bosne i Hercegovine, broj: 01,02-02-3-42/10, od 8.6.2010. (postupak u nadležnoj komisiji – u skladu s članom 110. Poslovnika Doma)

Nakon rasprave Ustavnopravna komisija, s četiri glasa „za“, bez glasova „protiv“ i jednim glasom „suzdržan“, je:

- usvojila tekst Prijedloga okvirnog zakona o besplatnoj pravnoj pomoći i predlaže Predstavničkom domu njegovo usvajanje;
- u skladu s članom 113. Poslovnika Predstavničkog doma Parlamentarne skupštine BiH, za izvjestioca u plenarnoj fazi imenovala predsjedavajućeg Komisije.

Ad.6. Ostala pitanja:

- **Zahtjev za autentično tumačenje člana 60. stav (2) Zakona o hrani („Službeni glasnik BiH“, broj 24/04), podnosilac: Agencija za sigurnost hrane Bosne i Hercegovine (razmatranje zahtjeva, postupak za autentično tumačenje - u skladu s članom 137. stav (1) Poslovnika Doma)**

Nakon rasprave Ustavnopravna komisija jednoglasno je ocijenila da je pravna norma jasna te da nije potrebno autentično tumačenje.

Postupak za autentično tumačenje odredbe člana 60. stav (2) Zakona o hrani („Službeni glasnik BiH“, broj 24/04) obustavlja se.

- **Zahtjev za autentično tumačenje člana 114. stav (3) Zakona o policijskim službenicima („Službeni glasnik BiH“, br. 27/04, 63/04, 5/06, 33/06, 58/06, 15/06, 15/08, 63/08 i 35/08), podnosilac: Granična policija Bosne i Hercegovine (razmatranje zahtjeva, postupak za autentično tumačenje - u skladu s članom 137. stav (1) Poslovnika Doma)**

Nakon rasprave Ustavnopravna komisija jednoglasno je ocijenila da se navedenim zahtjevom traži odgovor koji se odnosi na praktičnu primjenu pravnog propisa, a ne autentično tumačenje pravne norme.

Postupak za autentično tumačenje odredbe člana 115. stav (3) Zakona o policijskim službenicima („Službeni glasnik BiH“, br. 27/04, 63/04, 5/06, 33/06, 58/06, 15/06, 15/08, 63/08 i 35/08) obustavlja se.

- **Zahtjev za autentično tumačenje odredbi Zakona o lijekovima i medicinskim sredstvima („Službeni glasnik BiH“, broj 58/06), podnosilac: Federalno ministarstvo zdravstva (razmatranje zahtjeva, postupak za autentično tumačenje - u skladu s članom 137. stav (1) Poslovnika Doma)**

Nakon rasprave Ustavnopravna komisija jednoglasno je ocijenila da se navedeni zahtjev ne odnosi na autentično tumačenje pravnog propisa, kojim se utvrđuje autentičnost, jasnoća i smisao pravne norme.

Postupak za autentično tumačenje odredbi Zakona o lijekovima i medicinskim sredstvima („Službeni glasnik BiH“, broj 58/06) obustavlja se.

- **Zahtjev za autentično tumačenje člana 22. st. (2) i (3), člana 44. stav (2) tač. b) i c) i st. (3) i (4) Zakona o sportu u Bosni i Hercegovini („Službeni glasnik BiH“, broj 27/08), podnosilac: Karate savez Bosne i Hercegovine (razmatranje zahtjeva, postupak za autentično tumačenje - u skladu s članom 137. stav (2) Poslovnika Doma)**

Ustavnopravna komisija jednoglasno je utvrdila da je navedeni zahtjev podnio neovlašteni subjekt, jer postupak za autentično tumačenje mogu inicirati samo subjekti koji su zaduženi za provođenje zakona i drugih općih pravnih akata.

Postupak za autentično tumačenje odredbi člana 22. st. (2) i (3), člana 44. stav (2) tač. b) i c) te st. (3) i (4) Zakona o sportu u Bosni i Hercegovini („Službeni glasnik BiH“, broj 27/08) obustavlja se.

- **Dopis Agencije za zastupanje i zaštitu autorskih prava „Sine Qua Non“, Sarajevo, broj: 22-50-3-798/10, od 22.6.2010., povodom zahtjeva kompozitora Ersta Kunza iz Švicarske (razmatranje zahtjeva, postupak u skladu s članom 41. stav (2) Poslovnika Doma)**

Nakon rasprave Ustavnopravna komisija jednoglasno je zaključila da je navedeni dopis sa zahtjevom potrebno uputiti Vijeću ministara BiH, koje treba prikupiti sve relevantne informacije o razlozima pripremanja navedenog muzičkog djela, kako bi Parlamentarna skupština BiH mogla odlučiti o zahtjevu kompozitora iz Švicarske.

- **Izvjestaj o studijskoj posjeti delegacije PSBiH Bundestagu, Parlamentu Saksonije i drugim vladinim institucijama Savezne Republike Njemačke, od 7. do 11.6.2010. (primanje k znanju izvještaja - postupak u skladu s članom 41. stav (2) Poslovnika Doma).**

Nakon rasprave Ustavnopravna komisija jednoglasno je primila k znanju Izvjestaj o studijskoj posjeti delegacije PSBiH Bundestagu, Parlamentu Saksonije i drugim vladinim institucijama Savezne Republike Njemačke.

Sjednica Komisije završena je u 11 sati.

SEKRETAR KOMISIJE
Igor Bajić

PREDSJEDAVALAČI KOMISIJE
Šefik Džaferović